حمدی رمضان

(أبو عمرو الريشي)

موت بطیء

أشعار بالعامية المصرية

الطبعة الأولى ٢٠١٧



بطاقة الكتاب

عنوان المؤلّف: موت بطيء

الموكِّف حمدی رمضان (أبو عمرو الریشی)

أشعار بالعامية المصرية التصنيف

> رقم الإيداع 2017-28622

100 صفحة عدد الصفحات:

> رقم الإصدار الداخلي: 44

تاريخ الإصدار الداخلي: 12 / 2017 طبعة أولي

الإشراف العام: الشاعرة سميرة محمودي

جميع حقوق الطبع والنشر محفوظة للشاعر، ولا يحق لأى دار نشر طبع ونشر وتوزيع الكتاب الا بموافقة كتابية وموثقة من الشاعر

دار النيل والفرات للنشر والتوزيع

سجل تجارى: 13242

بطاقة ضريبية: 35-01-572-0031-572

رقم التسجيل: 2017-7 544-662-202


E-mail: alnile waalforat@yahoo.com

twitter: النيل والفرات youtube: alnile waalforat@yahoo.com

facebook: alnile wa alforat

هاتف : 01011256943 - 01116202218 - 01202541192

اشر من رمضان - مجاورة ١٣ - عقار ٢٠٤ - الدور الثاني - أمام سنتر ١٣



الإهداء

إلى كل من أهديته نبضى وإحساسي فأهداني جرعات هائلة من الألم والوجع إلى كل عشاق الحروف والكلمات إلى أولادي وأهلى وأساتذتي الذين ساندوني ولو بحرف في رحلة الإبداع التي لا تنتهي أبدا إلى كل من ساعدني في الوقوف بأقدام ثابتة على طريق الإبداع أقول للجميع أشكركم من القلب وأهدي لكم ديواني الأول ... بعنوان (موت بطيئ) حمدی رمضان ابوعمرو الریشی

موت بطئ

لا عايش ولا ميت حسيت معاك بإحساسي بأنفاسي لما بتتسرق مني لا راضى الموت ياخد روحي ولا يسبني معاك بموت موت بطيئ بياخد كل أفراحي بيبدل فرحتي حزني وأنا وياك بموت في اللحظة میت موته ومستنی معاك عايش بس مش عایش

وخايف تبعدي عني وجمع كل ده في إحساس لو أتسبب في أحزانك يااااااه يغور الحب لو أتسبب في أحزانك أكيد عارفه وأكيد فاهمه ومش منى فلو سبتك راح یکون أکید موتی ولو عشت واخترتك راح يكون وأنا عايش موت بطيئ بيألمنى فاسامحيني يا أجمل حب راح أبعد وأنا عارف

وأنا في بعدك أكيد راح أموت موت بطيئ

فايتنى لمين

ملیش غیرك بیفهمنی ولا غيرك بيحزن لي لو يوم تلاقى قلبى حزين فايتنى لمين... ومين ينور في قلبي الضي لو غاب بكرة من عيني وقال مش جي ومين يرسم أحلامى في كل أذان ومين يسعد بنات الحي فايتني لمين.. ومين غيرك هيسمعنى

ويفهمنى من غير ما أأقول فهمني بس كرهت غناي ولا نسيت دموع عيني نسيت حبى وبكرة الجاي خلاص ماشي وفايتني خلاص هانت دموع عيني فايت لحظة جوايا لأجمل حب تعالى خدها فايتها ليه ما حزن بحزن وإيه فاضل هنبكي عليه خلاص قدرت تنسانى ونسيت عشرة بقالها سنين فايتنى لمين ..

مليش في الدنيا

غير حبك فامتسبنيش بلاش تقطع كل الود ما بينا ماتخسرنيش خلینی جوه إحساسك إن حبك فهمنى بعدك ازاي أعيش وازاى اصبر سنين عمرى وأنا عمري مادقت الحب غير وياك فاسامحني ياضي العين كفاية أعيش العمر من غيرك وقلبي حزين فايتني لمين ..

يامتحكم في إحساسي

حمدی رمضان (أبو عمرو الریشی)

ياحب سنيني

ياواخد عقلي من راسي

ياسارق مني

أحلامي في عمري الجاي

يانغمة في

قلبي مشتاقة ياصوت الناي

لنغمك بكتب إحساسي

ولو ناسي قوليلي

بس من بعدك

أروح على فين

فايتني لمين

ناس وناس

ناس وناس في دنيتنا عارفين أسرارنا وحكايتنا يموت القلب لو غابوا وتهون عليهم عشرتنا وناس تتمنى خطاوينا ونبعد عنهم بإيدينا بنجرحهم ومش قاصدين وما نشوفهمش بعينينا وناس تعدي ما تسلم وناس بسكوتها تتكلم وناس لو لقيوا لحظة حب

تسرق قلوبنا ما تعلم وناس قلوبها مليانه بطعم الحب عمرانه وناس لو جيت تحاسبها أعمالها طالعه خسرانه وناس في الفقر عايشه وناس في طريقها ماشيه وناس في ليل شتاها في عز البرد سهرانه وناس في حياتنا كدابه وناس في اللسته متسابه يمكن بكرة يجيها الدور وهى دنيا ودايره بغرابه وناس حسدانه في كلامنا

وناس بتسرق أحلامنا ولا يهمها دنيا ولا حساب يوم القيامه ناس وناس في دنيتنا

بتونس بيك

زي ماقالت

ورده في غنوة

أنا بتونس بيك

زي الضحكه وزي الدمعة

أنا مشتاق لعينيك

أنا مشتاق

والشوق دوبنى

بس ياروحي هواك عذبني

بحلم بيك في

نهاري وليلي

بين أحضاني بس ألاقيك

أنا مشتاق لعينيك

مشتاق إني ألمس إيديك

أسمع صوتك أبقى وريدك أبقى الدم النابض في الشريان ما أنا مشتاق والشوق في بعادك كله نيران بحلم إنك تبقى معايا تبقى فرحي وتبقى هنايا تبقى ياعمري النور لسمايا كل حياتي تنور بيك زی ما قالت وردة في غنوة أنا بتونس بيك

ماشي

من غير ما تفكر واخد قلبي وروحي معاك فايت حبك جوه في قلبي فايت ضحكه فايت دمعه بتترجاك خليك فاكر قبل ما تمشى أنا مشتاق وفاردلك رمشي أنا من شوقى جفني ما نمشي وبستناك بستناك في نهاري وليلي

بستاك ياحبيبي تجيني بحلم لو كان باقي بعمري يبقى معاك ببقى معاك وأشتاقلك تانى وأنسى الدنيا وأنسى زماني وأنسى إنك دايما تئسى تجرح قلبى وأنا بهواك أنا بهواك وربنا شاهد على إحساسى ولغيرك زاهد راضي بحبك أه ياحبيبي وبحلم أبقى قمر في سماك

ماشي من غير ما تفكر واخد قلبي وروحي معاك

سألتني

سألتني سؤال ملوش جواب بتحبنی لیه.؟ رديت وقلت قلبي اللي حبك من زمان روحي إسأليه روحي قوليه ياقلب عاشق وسط الضلوع ازاي عشقت وازاي هويت أميال مابينا وبلاد بعيده

ازاي على قلبي ناديت وازاي سمعتك وازاي عشقتك قبل أما أشوفك ما تقولي ليه؟ ياقلب مليان بالحنان ما تسأليش ازاي وليه أنا حبي ليكي مش محتاج سؤال مافيش إجابه تتفهم أو رد واضح للسؤال أرواح تلاقت في الفضا والله تعالى

في كتابه قال

(الطيبون للطيبات) أهم حاجه إننا عايشين لبعض بدون آهات وماتسأليش ازاي وليه كل الحكايه أنا قلبي داب وأنتي سؤالك يا حبيبتي ملوش جواب لو عندك إجابه للسؤال البقي إسألي قلبك عليه ابقي إسألي قلبك عليه

ساعات

(أشعار)

ساعات أتوه في إحساسي وأتمنى أكون في يوم جنبك ولا عارف ولا فاكر غير بس مشتاق وبحبك وساعات الشوق يدوبني وساعات الدمع يغلبني وساعات أشكى وساعات أبكي ولا عارف أنا ليه ببكى

موت بطیء

عایش بس مش عایش تعبت كتير من بعدك ومن بعدك تعبت خلاص وطال ليلى ومن هجر بقیت عايش بدون إحساس وألف سؤال جوايا بيسألني وألف إجابه محذوفه جوايا بتقولك ليه هجرتيني بتقولك ليه تنسيني وليه سيباني وأنا مشتاق وبعدك نار تعذبنى وتكويني

محتاج إحساسك ومحتاج حبك يدوبني ومحتاج رد لكل أسئلتي ليه لما أحبك كل الحب تنسيني

ظلمك ليا

وظلمك ليه مالوش آخر وعايز ليه تصافيني وكنت زمان حبيب غالى وكان حبك منى عينى وكنت تقول وبسمعلك وكان قمرك بيهديني ونبضك كان بإحساسي وعشقك نهر يرويني زرعت البعد في قلبي طرح أحزان تواسيني كرهت الدنيا والأيام كرهت الحب وسنينى

كتبت البعد والحرمان سطور موجوعه ترثيني وبعد دا كله جاي بتلوم وبتكتب شعر تشكيني بلاش تظلمني ياظالم كفايه الحزن ماليني كفايه هعيش من غيرك ونار في القلب تكويني

أهون عليك

تجرحلي قلبي وأنا روحي فيك لو کان دا ذنبي حبك في قلبي تعالى واقتل حبك بإيديك أهونةعليك تعالى ماتخافتني اقتل وروح امشب وإن كان على قلبي راح يبكي برضه عليك أهون عليك...

ياللي تعابني هواك بعدك على عيني طب أعمل إيه وياك في أيامي وسنيني تعالى ما تخافشي فارد أنا رمشي تعالى ياحبيبي أنا روحي ملك إيديك أهون عليك...

الكبير

الكبير مش بالكلام الكبير كبير القدر الكبير كبير مقام أوعاك تقول عشان كتبت كلمتين تبقى خلاص بقيت كبير تبقى خلاص بقيت تمام أوعاك ياولدي تقول بقيت أوعاك يغرك الكلام أصله رخيص وقبلك ياما انقال كلام

خليك راجل

خليك كبير

أصل الكبير عمره

ما كان بياع كلام

الكبير بيلم

كل الناس في قلبه

ينصف قلوب المظلومين

أصله وطبعه راجل همام

أصله الكبير

لازم ياولدي

وسط الرجال تكون راجل

ومش أي راجل

راسك تناطح في الغمام

أوعاك تبقى

في يوم هفيه أو تاكل لقمة م الحرام خليك كبير العقل خلي قلبك للجميع وطن وسلام ماتقو لش دايما كلمتك تمنها كام وأوعاك تصاحب الخسيس اصل الخسيس طبعه كده دايما ياولدي يبيع كلام الكلمة عنده بأرخص تمن وإن جار عليك مره الزمن أوعاك تخاف خلى الظروف الصعبة تظهر معدنك ومهما تشوف في دنيتك

خليك رمز السلام خليك ياوادي كيف الحمام تشتاق تشوفه كل يوم ومهما يغيب عن ناسه محفوظ المقام طبعه أصيل وطبع الأصيل كيف الوطن عمره ما قال حبه بكام أصله كبير فعله كبير مهوش خسيس وبتاع كلام مهوش خسيس وبتاع كلام

عاشق ومغرم

عاشق ومغرم أنا ليكى عاشق لنظرة عينيكي ولو مرة بكون مشتاق بتكفى لمسه لإيديكي أنا العاشق وأنا والولهان أنا اللي قلبي كان ليكي مشعلل نار كما البركان منارة عشق تهديكي وقلبي مرسى والشطآن ونهر حنان بيرويكي ولو قالوا كان ياما كان دا سحر الشرق بعنيكي

على مودك أنا سهران لو سهري بيرضيكي أسهرك كمان وكمان وكمان وأكتب شعر لعنيكي أعمل إيه وأنا ولهان بعمري ياعمري أفديكي

حبال الود

بينى وبينه موصوله ولسه الحب زى زمان ولسه الطيبة زي ماهي نبع حنان ولسه قلوبنا مشتاقه تدور على الأمل تبنيه مداين عشق محفوظه ورغم البعد ما بينا ولا تقدر تعيش ليلها ولا نهارها غير بيهم ماهي حالفه وهى الحالفه بسنينها

بأيامها ولياليها وأحلامها لا يوم م العمر تنساهم وحتى العمر لو عدى فداه العمر وسنينه ولا تنساه على عهدي معاك دايما من أول كلمة ما بينا من أول لحظة في عشقنا عهدتك فيها اصون حبك بحبة ملح في العشرى تكون حافظه ولو نبعد تقربنا وتحفظنا بحفظ الله.

أكنش اتعميت

في غيابك كل الصور مقلوبه ومش حاضره كأني بشوف ناس تانية إحساسي بيك مش واضح كأنى أتعميت. ومش شايف ولا حاسس بای وجود حكيتك مرة ما صدقتش وقلت بعدك أنا ميت وقلت حاجات ومش حاسس كلامي ازاي بيوصلك

وليه صورتك بقت مهزوزة ومش واضحة في عينيا أكنش ميت ومش حاسس وأنا فاكر إني. أتعميت !!! وليه إحساسك غاب من قلبي مع إني عايش لسه وبتنفس وروحي خارجه بخروجك مع إنك سقيني مرار لعنت الحب في وجودك وقلت أبعد

لقيت حبك عاملي حصار لا راضي يقول أنا جنبك ولا راضي أكون له دار بقيت تايه منيش عارف

مفتح بس مش شایف حقايق بينا مكسوفه تشوف النور وصور بهتانه ومش قادرة تعدى السور وأنا واقف ومستنى يمكن أشوف الصورة معدوله ولاقى حلمى مش محظور جمعت كل المر في ضلوعي وقلت أصبر أتارى الصبر عدى بحور وأتاريني واقف ومستنى بهتان حلمى جوايا ومكسور صور کتیر تعدی قدامی وإحساس جوايا

مشتاق يشوف النور وأنا واقف في مكاني مش شایف غیر صنم شيطان من نار مكتفني أتاريه ظلى وأنا فاكرة شيطان ماسك في رجليا كل حدود المنطق أنا عديتها وكنت بقول أنا بيك أكتفيت لكنى حاسس دلوقتى مع وجودك مع إنك قدامى بس مش شايفك يمكن أكون بقيت ميت ويمكن أكون مع وجودك أنا حي بس أتعميت

یا آه

اه ومكبوته وسط الضلوع حواديت ياسكه مشروطه نمشيها بالمواعيد شبعنا منك مر اختشي كفايه احنا يادوب بنعدي من بعيد لبعيد مادقتش فيكي غير طعم الوجع وراضى بقسمتى وسعيد يا صاحبة العصمه

قوليلي لو تسمحي إيمتا يجيني العيد

طول عمري

أعلم قلبي ازاي يصبر وازاي يقدر يخلي الصبر عنوانه عشان لو ضاع في يوم حلمه يعيش بالصبر أيامه كتير بضيع أحلامنا مابين غربه وفراق أو غدر فعلمته ازاي يصبر وازاي يقدر

يملى كل أركانه بملح الصبر ويحلم تاني حلم جديد تكون فيه ليلة قدر تحقق كل أحلامه وبلاش م اليأس وبلاش م الحزن لو تقدر أدام علمته يدوق الصبر راح يصبر فلما جيت أدوق الصبر لقيت روحي بتتقطع نسيت في الزحمة عنوانه لقيتني بموت ميت موته في كام لحظه مشهد صعب يتكرر

ونسيت كل اللي تعلمته ونسيت في لحظة طعم الصبر وأنا اللي طول عمري أقول الصبر عنوانى وكان الصبر بيهوانى وأحفظ نفسي ازاي أصبر فمعرفتش ومقدرتش ازاي في غيابك أكدب روحى وأقول أصبر لانى أكيد هكون بكدب ومش هقدر وازاي اصبر وازاي أنساك وتبقى بعيد عن عينى يغور الصبر

ويغور كل اللي تعلمته سامحني مش هقدر أقول أنساك يغور الصبر مش هقدر

إكتبيني

في ليل عيونك وفى جفونك أغلى دمعه لما تنزل تبوس خدودك لما توصل بين شفايفك راح تدوق طعم الشفايف طعم شهد الله يصونك واعشقيني قد عشقي من سنين تعبت جدا م الألم ومعاك بحس بالحنين مش شخص

مخلوق م العدم لا يوم حلمت بالفراق ولا حبي مرسوم كالصنم يعبد عباده

وصيتي لإبني

عاهدنى يابنى تصون ودك تحافظ يابنى على عهدك تشيل الحب في قلبك عشان إيمانك كده بربك زرعته فيك فامتخفش فمهما تغيب راح ترجع تلاقي الناس بتحبك لإنك أمين على عهدك لا يوم بتخون من خانك ولا يوم قصرت في جهدك راجل وخايف على بلدك

تموت حر فدی ترابها ولا تعيش جبان الزل بيهدك علمتك يابنى تدوق الصبر فخلى الصبر في قلبك يكون طاعه كده لربك وفى كل صلاة تدعيلها دي بلدنا يابنى وتستاهل تموت فدى طين نيلها زی جدود جدود جدك واوعى يابني تزعل أخوك لو زعل الأخ هيهدك قرأنك شيله في صدرك ولو حسيت في يوم مخنوق أقرا صلى راح يزيل همك

وحسن يابني في أخلاقك وحب الناس من قلبك تلاقي الناس بتحبك وصيتك يابني بوصيتي أوعاك تنسى محدش بعدي راح يوصيك ولما أموت تدعيلي وتوصي إبنك وصية أبوك هي يابني ميراثنا من جدك

سبيني

أكتب في عيونك ميت قصيدة غزل وأزين بأسمك م الحروف دواوين مجروحة وناقصه شهادتي فيك ازاي تبقي عايشه جوه نبضي وأوصفك ازاي تبقي جوه قلبي وبين ضلوعي ولا أعرفك ازاي تبقي في عيوني

وأشوف مكانك وحده تانيه ماهو لو شفت غيرك أكيد مايكونوش عيونى لسه عهدي معاك باقى بين السطور بينزف عشق ما نشفش حالف بالف يمين ماأنساك ولا أخلف في يوم عهدي وأكمل دنيتى وياك مهما قلت كتير عنك مهما وصفت كتير فيك لا هقدر أوصف جمال حبك ولا إحساسي وأنا وياك.

شافونى

شافونى بكتب ع الهوى والعاشقين قالو دا مغرم صبابا مین زیه مین كل حروفه بتوصف جمال حبيبته وقلبه العاشق صبابه مليان حنين أنا قلت قولوا وعيدوا لو تشوفوني وتسوفوا وجعى يا غيرنين أنا كنت عاشق لكن عيوني بدمع عينى كانوا مليانين الضحكة غايبة والنظرة شارده وإنت يا قلبي بقيت حزين أنا كنت فاكر الحب جنة

جواها هبقى ياناس سنين أنا وحبيبي ما نشوفش دمعه اتاریها جنة ما بین نارین نار العوازل واللي لامونا وغيرة حبيبي أه وأهين لو شفتوا قلبي واللي جراله مش هتلومونى وتبكوا سنين شايله حروفي وجعى معاها حتى ف غنايا قلبى حزين أنا كنت عاشق مغرم صبابا وزي كتير م العاشقين

لوح تلج

وبتسأل لا متسألش بطلت أجاوب على أسألتك أدام ما قلت ازيك وطمني بتسأل ليه روح ابعد بلاش تسأل عودت قلبي على غيابك وداق لوعة الحرمان كتير منك مع إنك واخد غرفتين جواه ساكن يعني ومتمكن بدون اجره بدون إحساس داخل وخارج من بابه بدون تأشيرة تحت سماه وأنا صابر وأقول يعقل

بس من كتر ما سامحتك وصدقتك بقيت في ليلي أقول الأه وبأعلى صوت ليا مش قادر أتحمل ازاي تكون جوايا ومش حاسس بوجع قلبي وكلمة أه بتقطع كل شيئ فيا بتخرج من ضلوعي نار بتحرق كل اللي حواليا ومش حاسس ولا شايف عذاب قلبي وتقول أغلى ما ليا ومش حاسس ولا شايف

دموع عيني

وجاي تسأل حبيبي فين

قبل ما تسأل

قول مالك حبيبي طمني

حزين قلبك وإيه غيبك عني

كلامك كان يزيل همي

وأرد وأقولك ليه أنا موجوع

حلمت إنك تكون أجمل أيامي

وصحيت لقيتني أنا مخدوع

كنت فاكرك تحس بيا

قبل ما أقول الأه

مش إنت ساكن جوه قلبى

وكل لحظة معاه

بس ياخسارة

لقيت إحساسك نبض بارد زي لوح التلج لما يبقى جوه ميه کل ماده یزید بروده وكل ماده ينقص شويه أنت زي لوح التلج جوه قلبي بردت حبي وخلتنى بدون إحساس مليش نفس أقول سلام ولا أرد حتى السلام وبدون كلام راح أقول دا الختام خلاص أنا قلبي مات اخرج منه وكفايه..

نقطة

(أشعار)

نقطه من أول الهم لما بفرح بلاقى الفرحه ممزوجه بطعم الحزن مش لاقي وصف جوايا للون الفرح دموع تنزل وأنا فرحان وضحكه مليانه بكل الحزن وبين الفرح وأحزاني أنا عايش بقول يمكن يسيبني الهم في وسط الزحمة والزيطه وألاقي شروق لأيامي

موت بطیء

شعاع من نور حواليا ينور فجر أحلامى سنين عايش وأأقول أصبر أتاري الصبر مش صابر وراكن ضهره ع الحيطه بيتوجع وحاله يغم سنين الحزن مشتاله لبعد ممات وجوه القلب عمال أغزل كتير حكايات ياسارق م السنين فرحى وعامل روحك مش شايف بكام الفرح بتبيعه وأنا شاري وزي ما تقول

ماهو مش معقول أعيش العمر وأنا مليش في الفرح ولا لحظه وعامل م الأمل مجداف يعديني ولما أوصل لأخر الحزن أعيد الكره م الأول ياسارق م السنين فرحى كفايه شبعت م الأحزان مستنى لحظة فرح ولو عابره تكون عنوان تقول للحزن بقى كفايه مشتاق أدوق الفرح لو لحظة

موت بطیء

شبعان وجع

شبعان وجع ماتكملوش موتى بسكات لو هان علیکم حبی یوم افتكرو ذكرى م اللي فات لو حتى مليانه ألم ولا حياتي بالنسبة ليكم ماتسويش مستكترين الموت في جسمي النحيل ولا عشان ميت وشبعان م الوجع يبقى خلاص مليش حياة

وتضيع مابينا الذكريات وحلم إني أبقى ف يوم ملاك مابقاش متاح موصوم بكل أشكال الذنوب وأضعف الإيمان أتوب وازاي دا يحصل والعمر آيل للغروب والدنيا ملياها الآهات ناس همها تسرق حاجات وناس طبعها زي الحجر وناس في الزحمه تسرق قلوب وأهي دايره بينا الذكريات بين ناس عاشقه للوجع

وناس جواها حزن للممات والذكرى إيه غير حبة وجع إحساس ونبض ونظرة وشوية حاجات اتنطورت هنا وهنا وأصبح مابينا كتير حاجات تمنع وصول النبض في شريان الحياة أشياء كتير مانعه الكلام رافضه تقول كان بينا لحظه م الغرام

كنت بكدب

امسح العنوان خلاص وفارق دنيتي قلبى خلاص اتعود ع البعاد مابقاش يخاف مهما تقوله يزيد عناد اصله خلاص اتعلم م اللي فات شبع حزن وكتر آهات وبقى يدرس الأحزان وفتح فصول تقويه للمجروحين

يعنى خلاص القلب أتعلم على إيديك ازاي يشوف الأسوه جوه عينيك دايما الاحزان تعلمنا نكون واضحين ومهما تعلى موجه الحزن نركبها ونبقى فوقها مش خايفين مش لاقي كلام عشان أوصف مرار هجرك غير إني بقيت عايش بدون إحساس وده تحسه في كلامي

في كل حرف من حروف شعري اللى بكتبها وأكيد مش ليك لان إحساسي مش فيها ولا حروفي بتبكى عليك ولا برضه هتبقى فى يوم لقلب غير قلبك سامحنى أنا بكدب وكل حروفى مكتوبه لك هزاني الكلمة من جوه في عز عذابي بشتاق لك وبندهلك بعلو الصوت محتاج حضنك الدافى وقبل ما تنسى كلماتى

ياريتها تموت ولا تنساك. ولو نسيت أفكرها بكام دمعه بكام كلمه بكام ذكرى وتنهيده أفكرها بأحلامنا بأيامنا اللي عشناها. وتنسى ازاي ؟ ماهى لو نسيت ساعتها ممكن أكون ميت وممكن أكون وانا ميت أكون فاكرك ومش ناسيك لانك حته من قلبي ازای بس صدقت

ولو بالكدب إني أنساك سامحني أنا بكدب وبقول لروحي أنا نسيتك

اشتقتلك

اشتقت اضمك

بين ضلوعي واحضنك ..

عايز الحنين

اللي في قلبي يوصلك ..

ياأغلى

من كل الوجود

ياحب

غالي ملوش حدود

لو غبت عني

يادوب ساعات

بلاقي قلبي يحنلك ..

آااه اشتقتلك

وكااااان

كان ياما كان كان ليا قلب زمان لا بيعرف الأسيه ومليان بالحنان ..وكااااان كان لما تغيبوا إحساس غريب يجيبه وعمره ما حس بأمان .. وكاااااان كانت ضحكة قلوبنا ماليه الافراح دروبنا ومنوره المكان .. وكااااان

كانت تنده علينا وتقول يانور عينينا يا منورين قلوبنا مشتاقه للحنان ..وكااااان دلوقتى بعدتوا عنى وبالاحزان بغني وبقول ياريتكوا جنبى وبشكي للزمان ...وكااااان کان یاما کان كان ليا قلب زمان لا بيعرف الأسيه ومليان بالحنان .. وكااااان

لما تضحك

ضحكتك بتهز قلبي لك كتير وانت مكشر طب خلاص ياعم اضحك ما أنت لما تكون مكشر أكيد راح أزعل وافتكر انك مخاصم وافتكر انك هاجرنى طب بلاش فاكر لما قولت هبعد إيه حصلي

ولا قلبك بس فاكر عنى يبعد كنت عايش بدون وجودك وكأنى ميت كل لحظه من حياتي بدون وجودك مع إني عايش بس ميت ولما قلبك فاق وقرر قررت إنى أعيش وجودك يلا اضحك خلاص مسامحك ضحكتك نبض لحياتي ضحكتك بتهز قلبي

راحل

قبل ما أقول أنا راحل هقولك كلمة في ودانك بحبك بس مش قادر اكون في الحب عنوانك ولا ينفع أكون عاشق وابقى غريب ف أوطانك عشان كده قررت ابعد وأنا مشتاق لأحضانك فسامحني يانبض القلب مفیش غیر حل هجرانك أنا قررت ودي نهايتي ونهاية كل أحزانك

موت بطیء

يمكن ف يوم اكون ذكرى لحلم جميل ف احلامك

إسم مصر

ولما تسمع أسم مصر تعمل لها تعظیم سلام مصر يابنى أغلى حاجه في حياتنا بدون كلام يعنى لما تقول ولادي يبقى نلحقها ----- أوام مصر لما تكون ف محنه نجيلها طايرين كالحمام ياللي بتحبوها فوقوا اللي بيحصل دا حرام خلوا بالكم منها دايما أرض الكنانه ياكرام

لو نقول هي الأمان لونقول حضن الحنان تبقى هي مصر يابني رمز المحبة والسلام

إوعاك

(أُشعار)

اوعاك يا قلبي تحبها اوعي يهزك حبها لو كنت يوم حنيت ودبت اسىكن خيالك وابعد بعيد عن أرضها خليك في حالك ليجيك جلطه منها

موت بطیء

اوعى تقرب م الملاك سلطانها أقوى وأنت ياقلبي مش قدها تقتل قلوب كل اللي يعشق قلبها خليك بعيد اوعاك تقرب دا الحب نار في قربها اوعاك

ياقلبي تحبها

دا الحب لعنة

والبعد نار

وازاي

يا قلبي توصف لها

اوعاك

يا قلبي تحبها

من غير عتاب

سيب الجراح في
القلب خليها تنزف دم
من غير عتاب راحل
ما تشلش لحظة هم
ياللي قلبك حجر
سايبني ليه في الغم
لو خوفي عليك زعلك
ما عدش أخاف ياعم

أحلام القلب

احلام القلب بتتشعلق بحبال الليل عماله تغني من شوقها وتقول مواويل مرسومه أحلامنا في دنيتنا رسمة تساهيل والحلم الضايع على نفسه محتاج لدليل وخدانا الدنيا من روحنا وموالها طويل تايهين جواها

في دروبها زي الدلاديل نجري ونعافر في سباقها كسباق الخيل ماهو مش معقول نعيش فيها من غير تفاصيل

8

لاء مش دموع حبة تراب داخله العيون متسببه في كل الألم حتى الرموش صابها العمى سابت تراب الذكريات يدخل ويدبح في الجفون نازله الدموع زي المطر متسرسبه وازاي تهون وأنت الحياة لو كنت فاكر إني أنسى حبك أكيد ظنون

أنا والحروف

انا والحروف حتى وأنا مليان وجع ناحت قصيدتي جوه قلبي ورافض الكلام رافض شروط الإنهزام شايل حروف القصيدة فوق كتافى من يوم ما وعيت ع الدنيا وعاهدت نفسي وحالف لوفى بالقسم

باني جدار عالي لقصيدتي زي بنيان الهرم لا سمح الله لحد يغلط في الحروف يدخل وما يسميش وما يصليش كمان عليه أنا أصلى بإيديا بنيه محروس ومحمي م الإله زي بنيان الحرم يعني لما تدخل للحروف سمي وصلي ع النبي وقول ماشاء الله عليه ناظم قصيدة للحروف وسايبنا بنموت ياولد

موت بطیء

طب قول قصيدة للولاد أو قول قصيدة للبلد فيها غزل تحنن قلب المسئولين على شعب بيكح التراب وحالته أعجب م العجب يابوى خلينا بعيد السياسه لو هناكل عيشنا حاف صحيح فيه ناس مش لاقيه للرغيف وناس في برد الليل بتحلم بالدفا يابا خلاص ماهى بقالها م السنين مليون سنه سرقه ونهب م الخزاين

لحد قال ليهم كفايه ولا يوسف الصديق زعل فرعون حاكمها م الأزل والشعب تحت رجليه خدم كما العبيد ومش جديد خلينا بالله يابوي نعيش فقدت م الولدان كتير وما عدش فيك الحيل تغنى وتقول يا ناعسه انهضى ناعسه خلاص رابطه ولادها بالحديد ومجهزالهم الكفن عشان مولانا الفرعون يعيش لازم يموت نص البلد

واللى مش عاجبه الحال يغور واقفين في وش الموت طابور فاكر يابوى أبن اخوك محمدين وهو جاي في القطر مات وأبن عمى الشاويش محمد ع الحدود طخوه ومات ومينا أبن غبريال جوه الكنيسه فجروها ويرضه مات حتى لما قلت أشجع وأنسى همى في الملاعب شفت موتى وصاحبي اللي كان بيشجع جنبي مات ومحروس ولد الشيخ عطيه

لما ضاق الحال وهاجر غرقت بيه المركبه وفي البحر مات وناعسه نايمه

مش حاسه بولادها اللي بيموتوا ولا حاسه بالسوس

اللي بينخر عظمها بس بسكات وعايزني أقول الشعر فيها وأغزل حروف الفرح في الموال يابا خلاص الحروف تمت حزينه والصبر فوق الصبر طرحه مال وأنا خلاص

معدش فيا الحيل لضلمة سجون جواها الموت أصبح حلال جواها الموت أصبح حلال

راضى

راضى بنصيبي وقسمتي والعمر عدى وراح بين الهموم والألم صابر وكلي جراح صابر على قسمتي راضي وبالمكتوب تنشف يوم دمعتي تلاقي سمايا غروب ومهما تعملي فيا راضي وصابر وحبك ع الجبين مكتوب

وروحي فدى عيونك ليه لما اقول بعشقك ترميني في سجونك ماليه قلوبنا جراح وعمري ما أخونك طالب رضاكي سماح يا حبيبتي وأصونك فارد رموشي براح شيلى بقى ظنونك ضميني ضمة موت وخديني ف أحضانك ومهما تعملي فيا راضي وصابر وروحي فدى عيونك

.....

عدي جراح الجسد والقلب فيك دايب برقيك وخايف م الحسد والظلم مش غايب هى العداله فين ؟؟ ومالك ليه سايب الفقر باین ع الوجوه والحلم بقى غايب بيعانا ليه بالرخيص بعد اما كنا حبايب وطن مليان بالجراح والشعر فيه شايب ومهما تعملى فيا


	ي	صيب	ي بن	اضر	ز
دایب	فيك	قلب	وال	حبك	*

محتوى الكتاب

صفحة	المحتوى	م
2	بطاقة الكتاب	1
3	।र्रिक्टा३	2
4	موت بطىء	3
7	فايتنى لمين	4
11	ناس وناس	5
14	بتونس بيك	6
16	ماشى	7
19	سألتنى	8
22	ساعات	9
25	ظلمك ليا	10

27	أهون عليك	11
29	الكبير	12
33	عاشق ومغرم	13
35	حبال الود	14
37	أكنش اتعميت	15
41	یا آه	16
43	طول عمری	17
47	اکتبینی	18
49	وصيتى لإبنى	19
52	سيبيني	20
54	شوفونى	21
56	لوح تلج	22

60	نقطة	23
63	شبعان وجع	24
66	كنت باكدب	25
71	اشتقتاك	26
72	وكان	27
74	لما تضدك	28
76	راحل	29
78	اسم مصر	30
80	إو عاك	31
83	من غير عتاب	32
86	४३	33
87	أنا والحروف	34



93	راضی	35
97	محتوى الكتاب	36